

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 22 (1930)

Rubrik: Rapport dell'academia "Il curtin" a Mustér

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 02.04.2026

ETH-Bibliothek Zürich, E-Periodica, <https://www.e-periodica.ch>

10 *Elecziun dil comite activ:*

Pres. Giachen Berther, theol., Mustér/Cuera.

Vicepres. Emmanuel Huonder, stud. jur.,

Mustér/Friburg.

Actuar Fidel Cadalbert, theol., Rueun/Cuera.

Varia.

a) Sin giavisch de sgr. cand. phil. G. Gadola publichescha la Romania suandonta resoluziun:

«La Romania, per raschun de simplifica-ziun e respect d' ina veglia izonza, recamonda a ses commembers ed agl entir pievel romontsch sursilvan de dar ed acceptar, a buca ed en scret, sco pronom de curtesia il «Vus» enstagl de «Els ed Ella».

b) Sco liug festiv pigl onn proxim vegn fixau Breil.

c) Silsunter han ils activs discussionau davart l'organisaziun della veta studentesca entras ina radunonza de primavera. Igl ei vegniu concludiu de star tiel vegl e che in e scadin s'obligheschi moralmein de prender part della radunonza generala d'atun.

Fin dellas tractandas all' 1 s. m. d.

Rapport dell' academia «Il curtin» a Mustér.

Diesch onns ein gia spari dapi che l'enfiarla digl Ischi ei vegnida plantada sin tritgeivel terren claustral, diesch onns ein vargai dapi che nies

«Curtin» romontsch ha entschiet a flurir e prosperar stupent. Nus vulein porscher al lectur digl Ischi in pign maletg de nies «Curtin» buca cun igl intent de segloriar, na, mo semplamein per mussar a nies pievel romontsch il tschaffen che ses students han per il lungatg matern e per animar in e scadin de luvrar per nies car romontsch. La fin e mira de nies «Curtin» ei de cultivar, promover il lungatg romontsch gia denter ils students, de mussar gia alla giuventetgna la bellezza de sia faviala, ded entusiasmar gia ils giuvens per lur viarva, sinaquei ch'els daventien cul temps umens romontschs de num e pum, ils quals lavuran cun forz' ed ardiment per la mumma romontscha. Quei ei bein igl empren e principal punct de nies program.

Repassein nus ils rapports digl onn vargau, sche vesein nus ch'igl ei veramein vegniu luvrau sut la protecziun de nies renomau poet della Rezia, P. Maurus. Quendis students ein separticipai stediamein dellas radunonzas, tenidas regularmein duas gadas per meins. La survigilanza havein nus confidau a Giusep Durschei il qual ha empalau stupent nossa barca. Plinavon han ils commembers delectau in l'auter cun biaras e bialas lavurs historicas e culturalas, raquintaziuns e biografias. Umens, umens historics, cun forza e viarva grischuna, umens dil pievel, umens de bien exempel ein passai avon nos egls, per puspei svanir ella solitariadad della freida fossa. Nus menzionein las

suandontas lavurs: Avat Theodor Schlegel e la reformaziun a Cuera, Monte Cassino d' in amitg dils benedictins ed a. v. Dus auters han fatg nus enconuschents cun: Il dretg de burgheis ella Cadi, La passiuin de Sumvitg, ina fetg interessanta lavur davart la passiuin de Niessegner. Ina fetg instructiva lavur ei: Ils Grischuns egl jester, en lungatg de Surmir. Era il cant romontsch ei vegnius cultivaus cun premura sut la direcziun de G. Baselia. Il pign chor viril ha schau resunar sias canzuns tras ils vasts corridors cun caschun de nossas fiastas claustralas.

Finalmein a tuts hortulans de nies «Curtin» in cauld engraziament per lur lavurs prestadas, oravontut in cordial «Dieus paghi» a nies premurau pader protectur per sias breigias e stentas, per sia pazienza e carezia demussada a nus students durront igl onn vargau. Nus engraziein milsanavon a rev. sgr. P. Baseli, il qual ei sepurschius prontamein de gidar nus entras metter en disposiziun sia custeivla e stupenta biblioteca romontscha, ina buna fontauna per nossas lavurs romontschas. Buca emblidar astgein nus sgr. red. Dr. Giusep Condrau, il qual ha tarmess a nus onn per onn la «Gasetta Romontscha», sco era ils auters benefactors ed amitgs de nossa accademia. A tuts admettein nus in grond «Dieus paghi».

Onns passan e vegnan e cun quels era auters commembers en nies «Curtin» mo il «Curtin» sez,

lez resta, resta aschi ditg sco sil cuolm il matg verdegia, resta aschi ditg sco ils vegls e venerabels mirs dell' abbazia tarlischan viadora en la val, resta aschi ditg sco giud il cuolm la tiba suna, resta aschi ditg sco ina frastga digl Ischi verdegia. Ils commembers dil «Curtin» vegnan mai ad emblidar quel, na, els cloman tier a ti, Academia desertinensis, in vivat, floreat, crescat

Per l' academia romontscha «Il Curtin»:

Artur Manetsch.

L' academia romontscha a Sviz.

Oz ei ils 27 d' october 1929. La splendusa fiasta della Romania a Mustèr ei gia daditg vargada. Las scolas ellas claustras e collegis e. a. v. han entschiet entuorn entuorn. L' academia romontscha a Sviz va puspei vid la lavur. Mo nua ei nies car Ischi? Quei schani ei danovamein s' entardaus in tec. Denton ussa sto el finfatg comparer. Pia spert ina cuorta survesta sul decuors dell' academia digl onn passau:

Al guvernagl de quella eran:

Gieri Arpagaus, stud. rhet. I de Peiden, president, Vetger Cavelti, stud. rhet. Il Sagogn, vicepres. Luis Derungs, stud. rhet. Il Laax, actuar.

Il diember dils commembers fuva onz onz pigns (16). Quel semida gie adina. Tgei emporta la quantidad, sche la qualidad ei buna? Sper las